

WISCONSIN FOOD CODE FACT SHEET
VIV XIS KAS XEES COV CAI RAU KHOOM NOJ DAIM NTAWV QHIA
YAM TSEEB

~~~~~Employee Hygiene~~~~~  
~~~~~Cov Neeg Ua Hauj Lwm Txoj Kev Huv~~~~~

Kev Tseem Ceeb Ntawm Kev Huv:

Cov neeg ua hauj lwm yog cov tseem ceeb tshaj uas yuav tiv thaiv tau kab mob ntawm cov khoom noj. Tu cev du lug, nrog rau ntxuav tes kom zoo thiab nquag ntxuav tes, yog ib txoj kev zoo uas yuav tiv thaiv tau kab mob ntawm cov khoom noj.

Ntxuav Tes:

Nco tsoov ntxuav tes thiab so kom qhuav ua ntej pib hauj lwm, thaum ua hauj lwm, ua ntej yuav kov khoom noj, tshuab ua khoom noj, diav rawg thiab ntaub, tom qab siv chav txhoj khawv (toilet room) hnoos, txham, noj, haus, los sis hauj luam yeeb, lwm yam. Kev ntxuav tes huv muaj ntxuav qab tes, quaum tes, thiab xib teg, kis ntiv tes thiab hauv qab rau tes uas siv dej sov, mos swv (xub pum), thiab tus txhuam rau tes.

Hlais, To, thiab Tawm:

Yog tias muaj txiav, to, los sis tawm dab tsi ntawm txhais tes thiab caj npab yuav tsum muab cov ntaub plaum tsis nkag dej los qhvw rau. Looj cov hnav looj tes uas siv ib zaug los sis npog ntiv tes rau ntawm daim ntaub nplaum ntawm txhais tes thiab ntiv tes.

Khi Plaub Hau:

Cov neeg ua hauj lwm nrog khoom noj yuav tsum looj hnab rau plaub hau xws li hnab looj plaub hau, ntoo kaus mom, phuam, los sis hnav lub looj hwj txwv uas yuav npog tau kom plaub hau tsis txhob poob. Qhov no yuav tsis siv rau cov neeg ua hauj lwm uas tsuas hliv dej los sis nqa khoom noj uas twb qhvw lawm, thiab cov uas txais tos qhua yog tias lawv yuav tsis muaj dab tsi los txuam nrog rau cov khoom noj.

Khaub Ncaws Hnav Kom Zoo:

Tag nrho cov neeg ua hauj lwm nrog rau cov khoom noj yuav tsum hnav khaub ncaws du lug rau sab nrauv kom tsis txhob kis dab tsi rau cov khoom noj, khoom siv, diav rawg, ntaub, thiab cov khoom uas siv ib zaug xwb.

Khaub ncaws ntawm yus tus kheej thiab lwm yam khoom ntawm yus tus kheej yuav tsum tso kom deb li deb tau thaum kov cov khoom noj thiab chaw rau khoom noj. Tus tswv yuav tsum nrhiav ib qho chaw rau khoom kom zoo rau cov neeg ua hauj lwm tej khoom ntiag tug. Yog tias tus neeg ua hauj lwm yuav tsum hloov khaub ncaws tas tom qhov chaw ua hauj lwm, yuav tsum muaj ib chav los sis ib qho chaw uas cia hloov khaub ncaws xwb. Chav hloov khaub ncaws ntawv yuav tsum nyob nrug deb ntawm cov khoom noj, cov khoom siv uas twb huv lawm thiab ntaub so.

Khoom Coj Ntawm Tus Kheej:

Tej khoom coj tsuas pub coj cov nplhaib uas tsis muaj dab tsi saum toj xwb. Saw, kauj npab, qhvw ntsej, thiab lwm yam yuav tsis pub coj thaum ua khoom noj los sis faib khoom noj.

Noj, Haus, thiab Siv Luam Yeeb:

Tag nrho cov neeg ua hauj lwm yuav tsum noj, haus, thiab siv luam yeeb ntawm qhov chaw uas yuav tsis raug rau cov khoom noj, khoom siv, diav rawg, lwm yam.